

ତୀମଥୁଙ୍କ ନିକଟକୁ ପାଉଲଙ୍କ ଦ୍ଵୀତୀୟ ପତ୍ର ତିମତି ତାଣା ପାଞ୍ଚୁଲ ରାଚାମାନି ରୀ ଲମ୍ବର ଆକୁ ମୂଲୁ ହାଡ଼ା

୨ତିମ ଆକୁ ପାଞ୍ଚୁଲ ତାଣାତି ତାନି ସୀସୁ ତିମତି ତାଣା ରାଚାମାନି ଆକୁ । ତିମତି ରୀ ଲମ୍ବର ଆକୁ ପାଞ୍ଚୁଲତି ବାରେତି କିହାଁ ତାୟୁ ରାଚିତି ଆକୁ । ଇଦି ପାଞ୍ଚୁଲତି ଜୀଞ୍ଜୁ ରାନି ବେଲାତା ରାସ୍ତକି ଆହାମାଣ୍ଠିନେ । ଏତିବେଲାତା ଏଞ୍ଜସି ରମ୍ ଗାଡ଼ାତି କାୟିଦି ଇଲୁତା ମାଚେସି ୧:୧୭ ପାଞ୍ଚୁଲ ତିମତି ତଲେ ହାଡ଼ରକା ଜାରୁ ମାଚେ, ଅଡ଼େ ବାରେବେଲା ଏଞ୍ଜାଣାକ୍ ମୀରଏଣା ଲେହେଁ ରାଚିମାନେସି ପିଲିପି ୨:୨୨; ୧ତିମ ୧:୨; ୧:୧୮ ।

ଇଦି ପାଞ୍ଚୁଲ ରାଚାମାନି ସାରିଗଟା ଆକୁ ବିତ୍ରାଟି କୁଲମିତି ପିସାନା ର ମାଣ୍ଠିକି ରାଚିମାନେସି । ଅଡ଼େ ଏଟକାତି ତାନିଗଟା ଆକୁ ତିମତି ମୂଲୁ ଆକୁ, ତିତସ, ଅଡ଼େ ପିଲିମନ । ତିମତି ରୀ ଲମ୍ବର ଆକୁ ରାଚିତି ବେଲାତା ରମ୍ ଗାଡ଼ାତା ସାଲୁଞ୍ଜି କିନାରି ହାଡ଼ରକା ସାସ୍ତି ହୀହିମାଚେରି । ଇଲେତି ସାସ୍ତି ଆହିମାଚାକି ପାଞ୍ଚୁଲ କାୟିଦିତା ଡ଼ୟାମାଚେସି । ମୂଲୁତି ଆକୁ ଲେହେଁ ପାଞ୍ଚୁଲ ତିମତିକ୍ ମିତି ଜାୟନାରି ତାଣାତି ଜାଗ୍ରାତା ଆହାଲି ଖେସିମାନେସି । ୧ତିମ ୧:୧୭-୧୮ ପାଞ୍ଚୁଲ ତିମତିକ୍ ଏଲେଇଞ୍ଜି ମାନେସି ତାୟୁ ହାଡ଼ରକା କସ୍ତୁତି ଦିନା ମାନେ ୩:୧ ।

ପତିତା ମାନାୟି

୧. ପାଞ୍ଚୁଲ ତିମତିକ୍ ଜହରା କିହାନା ମାଟ୍ନାୟି ଅଡ଼େ ଏଞ୍ଜାଣାକ୍ ସାସ୍ତି ହୀନାୟି । ୧:୧-୧୮
୨. ପାଞ୍ଚୁଲ ତିମତିକ୍ କସ୍ତୁ ଅରହାଲି ସାସ୍ତି ହୀହିମାନେସି । ୨:୧-୧୩
୩. ତିମତିକ୍ ଏଚେକା କାତା ଖେହ୍ନାୟି । ୨:୧୪-୨୭
୪. ରାନି ଦିନାତା ଗଟଞ୍ଜି ଆନାଆଁ ଅଡ଼େ ସାତା ଜିରୁ ବାଚି କିହାଲି ଜାଗ୍ରାତା କିନାୟି । ୩:୧-୪:୮

୫. ପାହୁଲ ତିମତିଲ୍ ଏବେକା ଅଣ୍ଠପୁତି କାତା ହେସାନା ଆକୁତି ରାପ୍ନାୟି । ୪:୯-୨୨

୧ ନାନୁ ପାହୁଲ, କ୍ରୀସ୍ତ ଜୀସୁ ତାଣା ମାନି ଜୀହୁତି ଆଞ୍ଜାମାନି ଲେହେଁ, ମାହାପୁରୁ ଅଣ୍ଠପୁ ତଲେ କ୍ରୀସ୍ତ ଜୀସୁତି ର ପାଣ୍ଡୁ ଆହାମାନାତେଏଁ ।

୨ *ତିମତି, ନା ଜୀହୁତି ମୀରଏଣାତି ଆବା ମାହାପୁରୁ କ୍ରୀସ୍ତ ଜୀସୁ ତାଣାଟି କାର୍ମାମେହନାୟି ଅଡେଡ୍ ହିଡ୍ଡି ଜୀହୁ ନିଜେତାକି ଆୟାପେ ।

ମାହାପୁରୁଲ୍ ଜହରା ଅଡେ ବାର୍ସୁ ହୀନାୟି

୩ ମା ତଲିତି ଆକୁ ଆବାୟାଁ ଲେହେଁ ନାନୁ ସୁଦୁ ଅଣ୍ଠପୁ ତଲେ ମାହାପୁରୁଲ୍ ସେବା କିହିମାଲ୍, ନାନୁ ଏ ମାହାପୁରୁ ତାଣା ଲାଆଁ ମାଦେନା ପ୍ରାତାନାତା ନୀ ଦରୁ ରାଚାହାଁ ମାହାପୁରୁଲ୍ ଜହରା କିହିମାଲ୍; ୪ ଏନିକିଁ ନା ରାହାଁ ଗାତିଆନେ, ଇଦାଆଁତାକି ନୀ କାଣ୍ଡୁ ଅଣ୍ଠପାନା ନିଜେ ମେସାଲି ତାକି ହାରେକା ମନ କିହିମାଲ୍;

୫ *ଇତିହଁ ଆମିନି କୁରୁ ହିଲାଆଗାଟି ନାମୁ, ମୀ ବାୟି ଲାୟି ଅଡେ ମୀ ଇୟା ଇହୁନିକି ତାଣା ମାତେ, ଅଡେ ନୀ ତାଣା ଜିକେଏ ମାନେ ଇଞ୍ଜିହଁ ନା ହାରେକା ନାମୁ, ନୀ କୁରୁ ହିଲାଆ ନାମୁତି କାତା ନାନୁ କାରୁ ବେଟାଆହାମାଲ୍ । ୬ ନାନୁ ନୀ ଲାକି କେୟୁ ଇଗାଟି ବେଲାତା ନାନୁ ମାହାପୁରୁ ତାଣାଟି ଆମିନି ବର ବେଟାଆଡି ଏଦାଆଁ ଜାଡନ୍ କିହାଁ ଇଟାଲି ନାନୁ ନିଜେ ଅଣ୍ଠପି କିହିମାଞ୍ଜାଲ୍ । ୭ ଇତିହଁ ମାହାପୁରୁ ମାଜେ ଆଜିନି ଜୀହୁ ହୀହାମାଞ୍ଜାଅସି, ସାମା ବାଡ୍ଡୁ, ଜୀହୁ ନନାଣି, ଅଡେ ନେହଁ ଅଣ୍ଠପି କିନି ଜୀହୁ ହୀହାମାଞ୍ଜାନେସି ।

୮ ଏଦାଆଁତାକି ମାର ପ୍ରୁ କାତାତା ସାକି ହୀହାଲି ଅଡେ ନାନୁ ପ୍ରୁତି ତାକି କାୟିଦି ଇଲୁତା ଦସ୍ପି ଆହାମାଲ୍ ନା ତାକି ଲାଜା ଆଆନି, ସାମା ମାହାପୁରୁ ହୀହାମାଞ୍ଜାନି ବାଡ୍ଡୁ ତଲେ ନେହଁ କାରୁ ଝେକ୍‌ହାଲି ବେଟାଆହାମାନି କସ୍ତୁତି ସହୁଡି ଆମୁ । ୯ ଏଞ୍ଜାସି ମାଜେ ଗେଲ୍‌ପା ମାଞ୍ଜାନେସି, ଅଡେ ନା ନେହଁ ଲକୁଡେରି ଇଞ୍ଜିହଁ ହାଟାମାଞ୍ଜାନେସି; ଅଡେ ମା କିହାମାନି କାମା ଲେହେଁ କିହାଁ ମାଞ୍ଜାଅସି, ସାମା ତାନି ଅଣ୍ଠପୁ ତଲେ ତାନୁ କାର୍ମା ମେସାନି ଲେହେଁ କିହାଁ

☆ ୧:୨ ୧:୨ କାମା ୧୭:୧ ☆ ୧:୫ ୧:୫ କାମା ୧୭:୧

ମାଞ୍ଜାନେସି; ଏ କାର୍ମା ତଲି କାଳା ନକେଏ କ୍ରୀସ୍ତ ଜୀସୁ ତାଣାଟି ମାଞ୍ଜେ ହୀଞ୍ଜି ଆହାମାରେ, ^{୧୦} ସାମା ନାଏ ମା ଗେଲପାନି କ୍ରୀସ୍ତ ଜୀସୁ ଦାରୁତିତା ଖାହାମାନାକି ମାଞ୍ଜେ ତସାମାଞ୍ଜାନେସି; ଏଞ୍ଜାସି ହାକିତି ମେଲ୍‌ହା ମାନେସି; ଅଡ଼େ ତାନି ନେହଁ କାରୁତଲେ ଜୀସୁ ଅଡ଼େ ହାଆଗାଟାଣି ଉଜେଡ଼ିତା ତସାମାନେସି ।

^{୧୧} ☆ ଇ ନେହଁ କାରୁ ଖେକ୍‌ହାନା ତେଲ୍‌ହିକିହାଲି ମାହାପୁରୁ ନାଞ୍ଜେ ର ପାଣ୍ଡୁଞ୍ଜିଆଡ଼ି ସୀସୁ ଇଞ୍ଜା ଜାପ୍‌ନାସି ଲେହେଁ ହେରପା ମାଞ୍ଜାନେସି । ^{୧୨} ଏଦାଆଁତାକି ନାନୁ ଇ ବାରେ ଦୁକୁ ବେଟା ଆହିମାଈ; ଆଡ଼ିଜିକେଏ ନାନୁ ଆଜା ହିଲଅଁ, ଇତିହଁ ନାନୁ ଆମ୍ବାଆରି ତାଣା ନାମାମାଈ, ଏଞ୍ଜାଣାଈ ପୁଞ୍ଜାମାଈ, ଅଡ଼େ ନାନୁ ତାନି କେୟୁତା ଏନାଆଁ ହେରପାମାଈ, ବିଚାରା ଦିନା ଖାନି ପାତେକା ଏଦାଆଁ ଏଞ୍ଜାସି ଜାଡ଼ନ୍ତୁ ତଲେ ଇଟାଲି ଆଡ଼ିମାନେସି, ଇଦାଆଁ ନାନୁ ତୀରପୁତଲେ ନାମିମାଈ । ^{୧୩} ନା ତାଣାଟି ଆମିନି ନେହଁ ବଲୁ ଖେଞ୍ଜାମାଞ୍ଜି, କ୍ରୀସ୍ତ ଜୀସୁ ତାଣାଟି ନାମୁ ଇଞ୍ଜା ଜୀସୁ ନନାଣି ଏଦାଆଁ ନେହଁକଁ ଆସା ମାନାମୁ । ^{୧୪} ଆମିନି ନେହଁ କାତାଡ଼ି ଦାୟିପତି ମିଞ୍ଜେ ହୀପକି ଆହାମାଞ୍ଜାନେ, ମା ତାଣା ବାସା କିହିମାନି ସୁଦୁଜୀସୁତି ବାଡ଼ୟୁ ତଲେ ଏ ବାରେଡ଼ି ଜାଡ଼ନ୍ତୁ କିହା ଇଟାମୁ ।

^{୧୫} ନାନୁ ପୁଞ୍ଜାମାଞ୍ଜି; ପୁଗେଲ ଅଡ଼େ ହର୍ମଗେନା ତଲେ ଆସିୟାଡ଼ି ବାରେ ଲକୁ ନାଞ୍ଜେ ପିସା ମାଞ୍ଜାନେରି । ^{୧୬} ଅନସିପର କୁଟମିତି ପ୍ରବୁ କାର୍ମା ମେସପେସି, ଏନାଆଁତାକି ଇତିହଁ ଏଞ୍ଜାରି ଅଲେ ଅଲେ ଖାହାନା ନା ଦୁକୁ ତୁକ୍‌ହାତେରି, ଇତିହଁ ନାନୁ କାୟିଦି ଇଲୁତା ମାଡ଼ିହଁ ଜିକେଏ ଲାଜା ଆହାହିଲଅରି, ^{୧୭} ରମ୍ ଗାଡ଼ାତା ଏଜାଲିଏ ଏଞ୍ଜାସି ନାଞ୍ଜେ ପାରାନା ନା ତାଣା ଖାଡ଼େସି, ^{୧୮} ରାନି ଦିନାତା ଏନିକଁ ମାହାପୁରୁ ତାଣାଟି କାର୍ମା ବେଟାଆନେସି, ଏଲେକଁ ମାହାପୁରୁ ଏଞ୍ଜାଣାକି କାର୍ମା ଆପେସି, ଅଡ଼େ ଏଞ୍ଜାସି ଏପିସିୟ ଗାଡ଼ାତା ନାଞ୍ଜେ ଏନିକଁ ସେବା କିହାମାଞ୍ଜାନେସି, ଏଦାଆଁ ନାନୁ ନେହଁକଁ ପୁଞ୍ଜାମାଞ୍ଜି ।

☆ ୧:୧୧ ୧:୧୧ ୧ତମ ୨:୭

୨

କ୍ରୀଷ୍ଣ ଜୀବୁତି ନେହଁ ଜୁଜୁ କିନାସି

^୧ ଏଦାଆଁତାକି ଏ ନା ଜୀବୁତି ମୀରଏଣାତି, କ୍ରୀଷ୍ଣ ଜୀବୁତଲେ ଆଣ୍ଡିତାକି ତାନି କାର୍ମାମେହନି ତାଣାଟି ଆମିନି ବାଡ଼ୁୟୁ ମେଡ଼ା ଆନେ ଏମ୍ବାଆଁ ମୀରୁ ବାଡ଼ୁୟୁ ଗାଟାତେରି ଆଦୁ, ^୨ ଅଡ଼େ ହାରେକା ସାକ୍ରିୟା ନକିତା ଆମିନି ବାରେ କାତା ନା ତାଣାଟି ନୀନୁ ଖେଞ୍ଜାମାଞ୍ଜି, ଅଡ଼େ ଏମିନିଗାଟାରି ଏଟକା ଲକୁଣି ଜିକେଏ ଜାପୁହାଲି ଆଡ଼ିନାରି, ଏଲେତି ନାମୁଗାଟି ଲକୁ ନକିତା ଇ ବାରେ ହେରପାମୁ ।

^୩ ନୀନୁ କ୍ରୀଷ୍ଣ ଜୀବୁତି ର ନେହଁ ଜୁଜୁ କିନାତି ଲେହେଁ ଏଞ୍ଜାଣି ତାକି କସ୍ତ ଅରହାମୁ । ^୪ ଆମ୍ବାଆସି ଜୁଜୁକିନି କାମାତା ମାଞ୍ଜାନା, ଦାରତିତି ଏଟକା କାମାତା ହେରପି ଆଅସି, ଏନିକଁ ଏଞ୍ଜାସି ତାନି ମୁହେଁତି କାଜାଣାଈଁ ରାହାଁ କିନେସି । ^୫ ଅଡ଼େ ଆମ୍ବାଆସି କାହୁ ତାକି ବାଦହାରା ଆନେସି, ଏଞ୍ଜାସି ମେରା ତଲେ କାହାଆସାରେ ଜୀଣା ଆଅସି । ^୬ ଆମିନି ତାସା କାମାକିନାସି ଖାହୁ ତଲେ କିନାସି, ଏଞ୍ଜାସି କାମାତି ମୁଲୁତି ବାଗା ବେଟାଆନାୟି ମାନେ । ^୭ ନୀନୁ ଏଦାଆଁ ଖେସିମାଞ୍ଜାଇ, ଏଦାଆଁ ଅଣ୍ପାମୁ; ଇତିହଁ ପ୍ରବୁ ନିଙ୍ଗେ ବାରେ ପୁଞ୍ଜାଲି ବୁଦି ହିୟାନେସି ।

^୮ ନା ତାଣାଟି ଖେସିଆହାମାନି ନେହଁ କାରୁ ଲେହେଁ ହାଡ଼ାରି ତାଣାଟି ନିଙ୍ଗିତାଣି ଅଡ଼େ ଦାଞ୍ଜୁଦ କୁଡ଼ାତା ଜାନା ଆହାମାନି ଜୀବୁ କ୍ରୀଷ୍ଣଈଁ ଅଣ୍ପାମୁ । ^୯ ଇ ନେହଁ କାରୁତାକି ନୀନୁ ଦହଗାଟି ଲକୁ ଲେହେଁ କାୟିଦି ଇଲୁତା ଦସପିଆନି ପାତେକା କସ୍ତ ବେଟା ଆହିମାଇଁ; ସାମା ମାହାପୁରୁତି ବଲୁ ଦସପି ଆହା ହିଲେଏ । ^{୧୦} ଇଦାଆଁତାକି ମାହାପୁରୁ ଆଟାମାନି ଲକୁ ଜିକେଏ ଏନିକଁ କାଲାକାଲାତି ଗାଞ୍ଜୁରମି ତଲେ କ୍ରୀଷ୍ଣ ଜୀବୁ ହୀହାମାନି ଗେଲପି ଆନାଣି ବେଟାଆନେରି, ଏଦାଆଁତାକି ନୀନୁ ଏଞ୍ଜାରି ତାକି ଇ ବାରେ ସାସାତଲେ କସ୍ତ ଅରହିମାଇଁ । ^{୧୧} ଇ କାତା ସାତା

“ମୀର କ୍ରୀଷ୍ଣ ତଲେ ହାହାମାନାୟି,
 ଅଡ଼େ ଏଞ୍ଜାଣିତଲେ ଜିକେଏ ନୀଡ଼ିନାୟି;
^{୧୨} ଅଡ଼େ ମୀର ସାସାଆସାଁ କସ୍ତ ଅରହିନାୟି,

ନେହେଁ କାମାତାକି ଆତା ଇଟାମାନି ମାନିଗାଟି ଡକା ମାଣ୍ଡି ଲେହେଁ ଆନେସି । ୨୭ ସାମା ନୀନୁ ଦାଂଗଣା ବେଲା ଲାଗେଏତି ଜୁଫକାଟି ହେକ ଆମ୍ବୁ, ଆମ୍ବାଆରି ସୁଦୁ ହିୟାଁ ତଲେ ପ୍ରବୁ ତାଣା ପ୍ରାତାନା କିନେରି, ଏଞ୍ଜାରିତଲେ ଦାମ୍ବୁ, ନାମ୍ବୁ, ଜୀଞ୍ଜୁ ନନାଣି, ଅଡେ ହିଡ଼ଡ଼ି ଜୀଞ୍ଜୁ ଜେତ ହାଲାମ୍ବୁ । ୨୮ ବୁଦି ହିଲାଆ ମୁର୍କୁ ଗାଟାରି ବାଦିବାଦା ଗଡ଼ହା କିନେ, ଇଦାଆଁ ପୁଞ୍ଜାନା ଏ ବାରେ ତାଣାଟି ହେକ ଆମ୍ବୁ । ୨୯ ମାହାପୁରୁତି ହଲେଏସି ଗଡ଼ହା କିନାୟି ନେହେଁ ଆଏ, ସାମା ବାରେଜାଣାଟି ହିଡ଼ଡ଼ି ହାଡା ଜାପ୍ନାସି, ଅଡେ ଅରହିନାସି ଇଞ୍ଜା ମା କପାଟି ନିଜିନି ଲକୁଣି ହିଡ଼ଡ଼ି ହାଡାତଲେ ଜାପ୍ନାସି ଆନାୟି ମାନେ, ୩୦ ଅଡେ ଗଡ଼ହା ଗାଟାରାଇଁ ସୁଦୁ ସୁଞ୍ଜାଲା ତଲେ ଲେମ୍ବିନାସି ଆନାୟି ମାନେ, ଆତିହେଁ ଏଞ୍ଜାରି ସାତାତି ବୁଦି ପୁଞ୍ଜାଲି, ମାହାପୁରୁ ଏଞ୍ଜାରାଇଁ ମନ ଖେଚ୍ଚି ଅଣ୍ଟପୁ ହାନେସି, ୩୧ ଅଡେ, ଆମିନି ସୟତାନ ଏଞ୍ଜାରାଇଁ ତାନି ଅଣ୍ଟପୁ ତଲେ କିହାଲି ଦସପାମାନେ, ଏମ୍ବାଟି ଏଞ୍ଜାରି ସେଡନା ଆହାନା ଏ ପାନ୍ଦାଟି ଗେଲପି ଆନେରି ।

୩

ରାନ୍ତି ଦିନାତି କାତା

୧ ସାମା ଇଦାଆଁ ପୁଞ୍ଜାମାଞ୍ଜୁ, ରାନ୍ତି ଦିନାତା ନାସା ଆନ୍ତି ଦିନା ଖାନ୍ତେ; ୨ ଇତିହେଁ ଲକୁ ତାମ୍ବୁଜାହାରାଇଁ ଅଣ୍ଟପା କଡିନେରି, ଦନ ଜୁଫକା, ଜୀଞ୍ଜୁତା ବଡପଣ, ଆଙ୍କାରା, ନିନ୍ଦା କିନେରି, ତାଲି ତାଞ୍ଜି କାତା ଆହୁଅରି, ୩ ରାହାଁ ଆଆଗାଟାରି, ଦାମ୍ବୁ ହିଲାଆ ଗାଟାରି, ଜୀଞ୍ଜୁ ନଆଗାଟାରି, ଆଣ୍ଡୁଞ୍ଜି ଆନାୟି ହିଲାଆ ଗାଟାରି, ଲାଗେଏ କାତା ଖେସାନା ଲକୁଣି ନାଡିକିନାରି, ଦେବୁଣିଏ କପା ଆନାରି, ବାଡ଼ୟୁ ତସାନା ଆଜି କିନାରି, ନେହେଁ କାତାତି ଅପାଆଗାଟାରି ଆନେରି; ୪ ଅଡେ ଏଞ୍ଜାରି ହୀରୁ ଦାଃଆନାରି, ତାୟୁ ଏସକି ଅଣ୍ଟପାଆ ଗାଟାରି, ବଡପଣ ଗାଟାରି ଆନେରି, ଅଡେ ମାହାପୁରୁ ଜୀଞ୍ଜୁ ନନାରି ଆଆନା ଦାରୁତିତି ରାହାଁତି ଜୀଞ୍ଜୁ ନନାରି ଆନେରି; ୫ ଏଞ୍ଜାରି ମାହାପୁରୁତି ଆଜିନି ମେରା ଆହନେରି ସାମା ଏମ୍ବାଟି ବାଡ଼ୟୁତି ଆସାଲି କୁନେରି; ଇଲେତି ଲକୁ ତାଣାଟି ହେକ ମାନାମ୍ବୁ । ୬ ଇତିହେଁ ଇଞ୍ଜାରି ତାଣା ଇଲେତି ଲକୁ ମାନେରି, ଏମିନିଗାଟାରି ଇଲକା ତାକି ଇଲକା

ହୃଦିହଂ ପାପୁତି ବଜ୍ରତା ଅତେ ତାମି ମନତି ଜୁପକା ଗାଟି ଅଶ୍ଵପୁ
 ତଲେ ତାକିନି ବୁଦି ହିଲାଆଗାଟି ଇୟାସିକାଣି ତାମି ତାଣା ଇଚିନେରି;
 ୭ ଇ ଇୟାସିକା କାଲେଏ ଜାପିମାଟି ଜିକେଏ, ଏଚେଲା ସାତାତି
 ପୁଞ୍ଜାଲି ଆଡ଼ାଉ । ୮ ଏନିକଂ ଜନିସି ଅତେ ଜାମ୍ପି_ସ୍ ମସା କପାଟି
 ନିଜାମାଚେରି, ଏଲେକିହଂ ଏଞ୍ଜାରି ଜିକେଏ ସାତାତି ଆକ୍ତିନେରି,
 ଏଞ୍ଜାରି ତାୟଂ ଲାଗେଏ ଆହାମାନେ ଅତେ ଏଞ୍ଜାରି ଦାମ୍ପୁତି ନାମୁ
 ଉଜେଏ ଆହାମାନେ । ୯ ସାମା ଏଞ୍ଜାରି ଅତେ ହାରେକା ଆଗାଡ଼ା
 ହାଲଅରି; ଇଚିହଂ ଏ ରିଆରି ଏଞ୍ଜାରି ବୁଦି ହିଲାଆଗାଟାରି ଇଞ୍ଜି
 ର ଦିନା ବାରେଜାଣା ପୁନେରି, ଜନିସି ଅତେ ଜାମ୍ପି_ସ୍ ଜୀଞ୍ଜୁତା ଏନାୟି
 ଗଟଞ୍ଜି ଆହାମାଚେ, ଏଞ୍ଜାରି ଜୀଞ୍ଜୁତା ଏଦିଏ ଆଚେନ ।

ରାନ୍ଧିବେଲାତି କାତା

୧୦ ସାମା ନାନୁ ନା ଜାପୁନାଣି, ମାଶ୍ଵକି, ନା ଅଶ୍ଵପୁ, ନା ନାମୁ, କସ୍ତ
 ଅରୁହିନାଣି, ଜୀଞ୍ଜୁ ନନାଣି, ଅରୁହିନାୟି, ୧୧ *ସାସ୍ତି ବେଟା ଆଡ଼ାଣି,
 ଦୁକୁ କସ୍ତ ବେଟା ଆଡ଼ାଣି, ଇ ବାରେ ଆସାମାଞ୍ଜି; ଆନ୍ତ୍ରିୟକିୟା,
 ଇକନିୟ, ଅତେ ଲୁସ୍ତାତା, ନା ତାକି ଏଲେକିହଂଏ ନିୟା କସ୍ତ
 ଆହାମାଚେ; ଏଦାଆଁ ନାନୁ ଅରୁହା ମାଚେଏଁ, ଅତେ ପ୍ରବୁ ନାଙ୍ଗେ
 ଏ ବାରେଟି ଗେଲ୍ପା ମାଞ୍ଜାତେସି । ୧୨ ସାତେଏ ଆମିନି ଗାଟାରି
 କ୍ରୀସ୍ତ ଜୀସୁ ତାଣାଟି ଦାମ୍ପୁ ଜୀଞ୍ଜୁ ନୀତାଲି ଅଶ୍ଵପିନେରି, ଏଞ୍ଜାରି
 ନିୟା ବେଟାଆଚେନି । ୧୩ ସାମା ଲାଗେଏତି କାମାକିନାରି ଅତେ
 ନାଡ଼ିକିନାରି ନାଡ଼ି ଆହାନା ହାରେକା ଲାଗେଏତି କାମା କିନେରି
 । ୧୪ ସାମା ନାନୁ ଏନା ଏନାଆଁ ଜାପାମାଞ୍ଜି, ଅତେ ଆମିନି କାତା
 ବାରେ ସାତେଏ ନାମାମାଞ୍ଜି, ଏ ବାରେ ତାଣା ତୀରିତଲେ ମାନାମୁ,
 ଇଚିହଂ ନାନୁ ପୁଞ୍ଜିମାଞ୍ଜି, ଆମିନି ଗାଟାରି ତାଣାଟି ଏ ବାରେ
 ଜାପାମାଞ୍ଜି; ୧୫ ଅତେ ଆମିନି ଦାମ୍ପୁ ସାସ୍ତେରି କ୍ରୀସ୍ତ ଜୀସୁ ତାଣା ନାମୁଟି
 ନିଙ୍ଗେ ଗେଲ୍ପିକିନି ବୁଦି ହିୟାଲି ଆଡ଼ାନେ, ଏଦାଆଁ ନାନୁ ଉଣା
 ଝେଡ଼ାଟିଏ ପୁଞ୍ଜାମାଞ୍ଜି । ୧୬ ବାରେ ଦାମ୍ପୁ ସାସ୍ତେରିତା ରାସ୍ଵକି ଆହାମାନି
 ବାରେ ବଲ୍ଲୁ ମାହାପୁରୁ ଜଲିତାୟି, ଅତେ ଜାପୁନାୟି, ଲାଗିନାୟି,
 ତୀରିକିନାୟି, ଅତେ ଦାମ୍ପୁତା ନୀତାଲି ସାସ୍ତେରି କିନାୟି, ୧୭ ଏନିକଂ

* ୩:୧୧ ୩:୧୧ କାମା ୧୩:୧୪-୫୨; କାମା ୧୪:୧-୭; କାମା ୧୪:୮-୨୦

ମାହାପୁରୁଷ ଲକ୍ଷ୍ମୀ ତୀରପୁ ଆହ୍ୱାନା ବାରେ ନେହଁ କାମାତା ଜଗେ
ଗାଗାରି ଆନେରି ।

୪

୧ ନାନୁ ମାହାପୁରୁ ନକିତା, ଅଡ଼େ ଆମିନି କ୍ରୀସ୍ତ ହାଡ଼ାରାଇଁ
ଇଞ୍ଜା ନୀତାମାନାରାଇଁ ନୀହାଁୟି କିହାଲି ହାଜିମାନେସି, ତାନି ଝେଣ୍ଡେ
ଝାନାଣି ଅଡ଼େ ରାଜିତି ମାନି କିହାନା ହୁକୁମି ହୀହିମାଞ୍ଜାଇଁ, ୨ ମାହାପୁରୁ
ବଲୁ ଝେକମ୍ବୁ, ନେହଁ ବେଲାତା କି ଲାଗେଏତି ବେଲାତା ବଲୁ
ଝେକହାଲି ତିୟାରା ଆହା ମାନାମ୍ବୁ, ନାନୁ ବାରେ କସ୍ତ ଅରହାନା
ଜାପୁହିହଁ ଲାଗାମ୍ବୁ, ଅଡ଼େ ଦାକା ହୀହାନା ସାସା ବାସୁଁ ହୀମ୍ବୁ ।
୩ ଇତିହଁ ଦିନା ଝାନେ, ଏତିବେଲା ଲକ୍ଷ୍ମୀ ନେହଁ ଜାପୁନାଣି
ଝେଞ୍ଜାଲି ଅପଅରି, ସାମା ତାନି କାର୍କା ତାକି ସୁବୁ ସୁଝାଲା ହାଡ଼ା
ଝେଞ୍ଜାଲି ମନ ହୀନେରି ଇଞ୍ଜା କାତା ଜୁପକାତାକି ଲାଗେଏତାଣି
ଜାପୁନାରାଇଁ କୁଡ଼ି କିନେରି । ୪ ଅଡ଼େ ସାତା କାତାତି ଝେଞ୍ଜାଲି କୁହାନା
ଅଣ୍ଠାମାନା ଝେହ୍ନି ପୁସ୍ପନିକାଣି ମନ ହୀନେରି । ୫ ସାମା ନାନୁ ବାରେ
ତାଣା ସେଡନା ଆମ୍ବୁ, କସ୍ତ ଅରହାମ୍ବୁ, ମାହାପୁରୁଷି ନେହଁ କାବୁ
ଝେକମ୍ବୁ କାମା ପୁରା କିମ୍ବୁ ଅଡ଼େ ନୀ ସେବା କାମା ରାପୁମ୍ବୁ ।

୬ ଇତିହଁ ନୀସଁ ଜିକେଏ ନା ଜୀଝୁ ଗସାଲି ତାକି ଝାକ୍‌ହିମାନି
ଲେହେଁ ହେରପି ଆହିମାନେ, ନା ହାନି ଦିନା ଏଗାଝାଡେୟିଏ ।
୭ ନାନୁ ନେହଁ ଜୁଜୁତା ଜୀଝୁ ତୁସାନା ଜୁଜୁ କିହିମାଇଁ, ନାଞ୍ଜେତାକି
କେପାମାନି ପାହେରି ରାଝେତାକି ହଟାମାଇଁ, ନାନୁ ନାମୁତି ଜାଣ୍ଡେ
ଆସାମାଇଁ; ୮ ନାଞ୍ଜେତାକି ଦାମୁତି ଟପେରି ଇଟକି ଆହାମାନେ,
ଏଡାଆଁ ଏ କାଜା ନୀହାଁୟି ଦିନାତା ନୀହାଁୟି କିନି ପ୍ରବୁ ନାଞ୍ଜେ
ହିୟାନେସି, ଝାରଇ ନାଞ୍ଜେ ଆଏ, ତାନି ଝେଣ୍ଡା ଝାନାଣି ନେହଁ
ମନତଲେ କାଟାମାନି ବାରେଜାଣା ତାକି ଜୀଝୁନହାଁନା ହୀନେସି ।

ତାନି କାତା ଝେହ୍ନାୟି

୯ ତବେ ନା ତାଣା ଝାହାଲି ଜାଗ୍ରାତା ଆମ୍ବୁ; ୧୦ *ଇତିହଁ ଦିମା
ନାଞ୍ଜେ ପିସାହାଁ ନୀସଁତି ଦାରତିତି ଜୀଝୁନହାଁନା ତେସଲନିକିତା

☆ ୪:୧୦ ୪:୧୦ କଲସି ୪:୧୪; ପିଲିମ ୧:୨୪; ୨କର ୮:୨୩; ଗାଲା ୨:୩; ତିତସ ୧:୪

ହାଜାମାନେସି, କ୍ରେସକେନସ୍ ଗାଲାତିୟାତା ଅଡ଼େ ତିତସ୍ ଦଲମତିୟାତା ହାଜାମାନେରି । ୧୧ ✨ଅଡ଼େ ଲୁକ ରଅସିଏ ନା ତଲେ ମାନେସି । ମାର୍କଙ୍କ ନୀ ତଲେ ତାତିହ୍ମ୍ ଖାମ୍, ଇତିହ୍ମ୍ ନା ସେବା କାମାତା ସାୟେମି କିୟାନେସି । ୧୨ ✨ନାନୁ ତୁକିକଙ୍କ୍ ଏପିସିୟତା ପାଣ୍ଡା ମାଙ୍କ୍ । ୧୩ ✨ତ୍ରୟାତା କାର୍ପ ତାଣା ଆମିନି ଉସମି ସକା ପିସା ଖାହାମାଙ୍କ୍, ନାନୁ ଖାନ୍ନାଟି ସକା ଅଡ଼େ ପତିୟା ବାରେକିହ୍ମ୍ ତଲୁ ପତିୟା ତାତିହ୍ମ୍ ଖାମ୍ ।

୧୪ ✨ପିତାତା ବେବାରାଗାଟି ଆଲେକ୍ଜାଣ୍ଡାର ନାଙ୍ଗେ ହାରେକା କସ୍ତ୍ର ହାହାମାଞ୍ଜାନେସି; ପ୍ରବୁ ଏଞ୍ଜାଣାଙ୍କ୍ ତାନୁ କିତି କାମା ଲେହେଁ ପାଡ଼େୟି ହାନେସି; ୧୫ ନାନୁ ଜିକେଏ ଏଞ୍ଜାଣି ତାଣାଟି ଜାଗ୍ରାତା ଆହା ମାନାମ୍, ଇତିହ୍ମ୍ ଏଞ୍ଜାସି ମାର୍ ଝେକ୍ନି କାତା କପାଟି ନିଙ୍ଗାନା କାହି କିହିମାଞ୍ଜାତେସି ।

୧୬ ତଲି ମୁଲୁ ନାଙ୍ଗେ ନୀହାୟି କିୟାତାଟି ଆମ୍ବାଆରି ନା ଖାକିଟି ଆଆତେରି, ସାମା ବାରେଜାଣା ନାଙ୍ଗେ ପିସ୍ତାତେରି, ଏଦାଆଁ ମାହାପୁରୁ ଏଞ୍ଜାରି କପାଟି ଦହ୍ କିଆପେସି । ୧୭ ସାମା ପ୍ରବୁ ନା ତଲେ ମାଞ୍ଜାନା ନାଙ୍ଗେ ବାଡ଼ୁୟି କିୟାତେସି, ଅଡ଼େ ନାନୁ ସିହ୍ଲୁଠାନ୍ନି ଗୁଡିଟି ଗେଲ୍ପିଆଡ଼େଏଁ, ଏନିକ୍ ନା ତାଣାଟି ନେହ୍ କାବୁ ବାରେ ତାଣା ଝେଙ୍ଗିନେ ଅଡ଼େ ଜୀହୁଡିଆଆତି ଲକୁ ବାରେଜାଣା ଏଦାଆଁ ଝେଞ୍ଜାଲି ଆଡ଼ିନେରି; ୧୮ ପ୍ରବୁ ନାଙ୍ଗେ ବାରେ ଲାଗେଏ କାମାଟି ଗେଲ୍ପାନେସି, ଅଡ଼େ ନାଙ୍ଗେ ଗେଲ୍ପାନା ତାନି ଲାକପୁରୁ ରାଜିତା ଅୟାନେସି; ଏଞ୍ଜାଣି ଗାଝୁରମି କାଲ୍ଲକାଲ୍ଲା ତାକି ଆପେ ! ଆମେନ୍ ।

ରାନ୍ନିବେଲାତି ଜହରା

୧୯ ✨ପ୍ରିୟାଲୀ ଅଡ଼େ ଆକ୍ସିଲୀ ଇଞ୍ଜା ଅନିସିପର ଇଲୁ କୁଟମିକି ନା ଜହରା ଝେହ୍ମ୍ । ୨୦ ✨ଏରାସ୍ତ କରକ୍ତି ଗାଡ଼ାତା ତୟା ମାନେସି, ସାମା ତ୍ରପିମ ଆଡ଼ିହ୍ଲୀଆକି ନାନୁ ଏଞ୍ଜାଣାଙ୍କ୍ ମିଲିତତା ପିସା ଖାଡ଼େଏଁ ।

✨ ୪:୧୧ ୪:୧୧ କଲସି ୪:୧୪; ପିଲିମ ୧:୨୪; କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; ପିଲିମ ୧:୨୪ ✨ ୪:୧୨ ୪:୧୨ କାମା ୨୦:୪; ଏପିସି ୬:୨୧,୨୨; କଲସି ୪:୨,୮ ✨ ୪:୧୩ ୪:୧୩ କାମା ୨୦:୬ ✨ ୪:୧୪ ୪:୧୪ ଡିମି ୧:୨୦; ରମି ୨:୬ ✨ ୪:୧୯ ୪:୧୯ କାମା ୧୮:୨; ୨ତମ ୧:୧୬,୧୭ ✨ ୪:୨୦ ୪:୨୦ କାମା ୧୯:୨୨; ରମି ୧୬:୨୩; କାମା ୨୦:୪; ୨୧:୨୯

୨୧ ନୀନୁ ପେନିବେଲା ଖାଆ ନକେଏ ଖାଡ଼ିହିଁ ନେହିଁ ଆଡେମା
 । ଇନ୍ଦୁଗୁଲ, ପୁଦେନସ, ଲିନ, କ୍ଲାସୁଦିୟା, ଅଡ଼େ ବାରେ କ୍ରାସ୍ତାନା
 ତାୟିୟା ନିକ୍ଷେ ଜହରା ଖେସିମାଜାନେରି । ୨୨ ପ୍ରଭୁ ନୀ ଜୀହୁତା
 ମାଣ୍ଡେସି, ମାହାପୁରୁତି କାର୍ମାମେହନାୟି ମୀ ବାରେତାକି ଆୟାପେ
 ।

ପୁସ୍ତକ ଫେରା

The New Testament in the Kuvi language of India: ପୁସ୍ତକ ଫେରା (Bible)

copyright © 2020 The Word for the World International

Language: କୁଭି (Kuvi)

Contributor: The Word for the World International

ପୁସ୍ତକ ଫେରା, କୁଭି ପୁସ୍ତକ ଫେରା, 2020

The New Testament in Kuvi Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-12

PDF generated using Haiola and XeLaTeX on 21 Feb 2024 from source files dated 13 Apr 2023

081337bf-dba3-542b-bc85-280acfb14d33